

miro artificio exstructum, Ambitus ejus quatuor circiter milliarum: quadratura qualibet milliare unum complectente. Est Murus valde spissus, decem passibus in altum confurgens. Superficies extinseca colore albo & rubeo nitet. In singulis quatuor Muri angulis Palatium pulchrum & magnum. Arcis loco conditum est. Sic in medio cujuslibet quatuor murorum; Palatium egregium exstructum est: eaque in universum VII I sunt. In his servantur Armia, Instrumenta, Tormenta, & Machinæ: Arcus, Sagittæ, Pharetræ, Calcaria, Frena, Lanceæ, Clavæ, Nervi, & reliqua in bello necessaria, singulaque Armorum genera in singulis posita sunt Palatijs. In spatio vero medio interiori est Regium Palatium, scilicet in quo Rex commoratur. Caret Tabulatis: Pavimentum vero exteriori fundo præminet decem palmis. Tectum altum est valde, pictura exornatum. Parietes Atriorum & Conclavium Auro & Argento fulgent. Vbiq; picturæ pulcherrimæ & bellicarum rerum Historiæ sese ingredientium oculis offerunt, vivis coloribus & rutilanti Auro coruscantes. Habet Magnus Cham duodecim Barones aulicos, qui triginta quatuor Præfecti sunt Provincijs: horum officium est, ut singulis provincijs duos præficiant Rectores, ac regijs exercitibus in locis ubi morantur, res necessarias provideant & quicquid decernunt, Regi indicant, qui sua auctoritate id confirmat, quod illi statuendum duxerint: Malefactores hoc modo apud Tartaros puniuntur. Si quis furatus fuit rem vilem, & vita privati non commeruit, exditur fuste septies: accipiens septemdecim plagas, aut viginti septem: aut XLVI: pro magnitudine peccati: idque usque ad centum, addendo semper decem. Nonnulli tamen nonnunquam ex his percussionebus moriuntur. Quod si quis furatus fuit equum vel rem aliam, ob quam mortem meruit, gladio in viscera ferro occiditur. Quod si vitam redimere voluerit, noncuplum reddet. In adulterio deprehensi tam vir quam mulier, Lege ipsa occiduntur. In Hordas Tartari dividuntur, quæ vox illis Cæterum Conventumque plurium significat. Sed ut varias longe lateq; distantes provincias incolunt, ita neque in moribus aut vitæ genere omnes conveniunt. Homines statura quadrata, lata facie, & obesa, oculis contortis & concavis, sola barba horridi, cætera rasi: corpore valido, animo audaci, inedia & laboris patientissimi: equitantes, si famēs sitisq; illos vexaverit, equis quibus insident venas solent incidere, eorumque sanguinem bibere. Natio profana est & barbara, jus ipsis in armis, Lex in robore & viribus. Domos multi non habent, sed pro his plaustra. Et quoniam incertis vagantur Sedibus, Stellarum, imprimis vero poli Arctici, adpectu cursum suum dirigere solent. Vno in loco non diu commorantur, rati gravem esse infelicitatem diu in eodem loco hærerè. pecuniæ usum non habent, itaque res pro rebus commutant. Ismaelitas se esse dicunt, idq; etiam præ se ferunt: Mahumeti Legem admiserè anno cccccxvi. Vescuntur Tartari cibis grossioribus, præsertim carnibus, ijsq; crudis aut semicoctis: Lacte, Caseo: A Suilla abstinent. Bibunt Lac Equarum, quod ita præparare norunt, ut videatur esse Vinum album, admodum inspidus potus. Victus immundissimi sunt, utpote qui mensas mappis non operiant, mantilibus non utantur, quum manus non lavent, non corpus, non vestimenta. Bibunt etiam Aquam, Lac & Cerevisiam ex Milio coctam.

*Opera publica.**Ratio gubernandi.**Leges & Instituta.**Moreis.**Victus.*